

# Profesion guru era globalisasi lebih mencabar

B/H 10/1/2011 MS 7

**R**IYADH: Antara cabaran paling besar dihadapi guru dan pendidik masa kini ialah memiliki kecekapan yang secukupnya dalam mempersiapkan serta membentuk generasi akan datang, kata isteri Perdana Menteri, Datin Seri Rosmah Mansor.

Beliau berkata, profesion sebagai pendidik pada era globalisasi berdepan cabaran yang lebih besar berbanding pada era sebelum ini.

“Berlalu sudah zaman yang mana pelajar menjadi pendengar setia, tanpa banyak benda lain yang boleh menarik tumpuan mereka daripada memberi perhatian kepada guru dan buku.

“Hari ini, dengan revolusi yang dibawa oleh Teknologi Komunikasi Maklumat (ICT), pengajaran dan pembelajaran tidak lagi terkecuali di dalam bilik darjah semata-mata,” katanya.

Beliau berkata demikian dalam ucapannya bertajuk Kompetensi Guru Dalam Membentuk Generasi Akan Datang pada Persidangan Antarabangsa Pertama Mengenai Pengurusan Kualiti Menyeluruh (TQM)



**ROSMAH** menerima cenderahati daripada Timbalan Menteri Pendidikan Arab Saudi, Nora Abdullah Al-Fayez sempena Persidangan Antarabangsa Pertama mengenai Pengurusan Kualiti Menyeluruh Dalam Pendidikan Ke-12 di Riyadh, Arab Saudi, semalam.

Dalam Pendidikan ke-12, di sini.

Dalam ucapannya selama 30 minit itu, Rosmah yang juga Pengerusi Jawatankuasa Kerja Dasar Program Permata Negara (PERMA-

TA), berkata kecekapan pada abad ke-21 menuntut guru memiliki kecekapan di luar bidang tugas atau pengetahuan serta kemahiran mudah untuk membolehkan mereka memenuhi tuntutan

kontemporari dan masa depan yang kompleks.

“Kecekapan ini termasuk berhubung pemikiran kritis dan penyelesaian masalah kreativiti dan inovasi, ketangkasan dan kebolehsesua-

ian, kepintaran dan keusahawanan, semangat ingin tahu dan imaginasi untuk meningkatkan keupayaan dalam urusan pembelajaran sepanjang hayat,” kata Rosmah. – BERNAMA